

第五二一册

博物彙編

禽蟲典

狐狸部

藥鹿部

廉部
𦵏部

磨部
 糞部

兔部 跳兔部

駁部
貉部
獬部

蜉部
蛄部

猫部

【附】

三十一

七

三

七八

七九

공

八

三

古今圖書集成

中華書局影印

Z 225

1

欽定古今圖書集成博物彙編禽蟲典

第七十二卷目錄

狐狸部外編二

禽蟲典第七十一卷

狐狸部外編一

廣異記唐太宗以美人賜趙國公長孫無忌有殊寵忽遇狐媚其狐自稱王八身長八尺餘恆在美人所美人見無忌輒持長刀斫刺太宗聞其事詔諸衛士前後數四不能卻後術者言相州崔參軍能愈此疾始崔在州恆謂其僚云詔書見名不日當至數日勅至崔便上道王八悲泣謂美人曰崔參軍不久將至為之奈何其發後止宿之處輒具以白及崔將達京師狐便遁去既至勅詣無忌家時太宗亦幸其第崔設案几坐書一符太宗與無忌俱在其後頃之宅內井竈門廁十二辰等數十輩或長或短狀貌奇怪悉至庭下崔呵曰諸君為貴客家神職任不小何故令編狐入宅神等前白云是天狐力不能制非受賂也崔令捉狐去少頃復來各著刀箭云適已苦戰被傷終不可得言畢散去崔又書飛一符天地忽爾昏暝帝及無忌懼而入室俄聞虛空有兵馬聲須臾見五人各長數丈來詣崔所行列致敬崔乃下階小屈膝

尋呼帝及無忌出拜庭中諸神立視而已崔云相公家有媚狐敢煩執事取之諸神敬諾遂各散去帝問何神崔云五岳神也又聞兵馬聲乃獲一狐壓樹下無忌不勝憤恚遂以長劍砍之狐初不驚崔云此已通神擊之無益自取困耳乃判云肆行姦私神道所殛量決五下狐便乞命崔取東引桃枝決之血流滿地無忌不以為快但恨杖少崔云五下是人間五百殊非小刑為天曹役使此輩殺之不可便赦云自爾不得復至相公家狐乃飛去美人疾遂愈

唐永徽中太原有人自稱彌勒佛禮謁之者見其形抵於天久之漸小纖五六尺身如紅蓮花在葉中謂人曰汝等知佛有三身乎其大者為正身體敬傾邑僧服禮者博於內學欺曰正法之後始入像法像法之外尚有末法末法之法至於無法像法處乎其間者尚數千年矣釋迦教盡然後大劫始壞劫壞之後彌勒方去兜率下間浮提今釋迦之教未虧不知彌勒何遽下降於是虔誠作禮如對彌勒之狀忽見足下是老狐帽花旛蓋悉是家基之間紙錢爾禮撫掌曰彌勒如此耶具言如狀遂下走追之不及

唐麟德時上官翼為絳州司馬有子年二十許嘗曉日獨立門外有女子年可十三四姿容絕代行過門前此子悅之便爾戲調即求歡狎因問其所止將欲過之女云我門戶雖離郎州佐之子兩俱形迹不願人知但能有心得方便自來相就此子邀之期朝夕女初固辭此子將欲便留之然漸見許後從後倚俟之如期果至自是每夜常來經數日而舊使老婢於牖中窺之乃知是魅以告翼翼方禁斷終不能制魅

來轉數圈發不語見母將食魅必奪其杯碗此魅已飽足不得食翼當手自作糜粥以餵之至是手魅已取去翼頗有智數因此密搗毒藥時秋晚油膩新熟翼令熬兩團以三量毒藥先取好者作糜餵其妻子女乃與魅同食魅便去夫以和藥者作糜與兒魅亦將去連與數啖忽變作老狐宛轉而仆擒獲之登令燒毀訖合家歡慶此日昏後聞遠處有數人哭聲斯須漸近遂入室後並皆稱冤號擗甚哀中有一叟哭聲每云苦痛老狐何乃為喉嚨枉殺數十日間朝夕來家往往見有衣縷經者翼深憂之後來漸稀經久方絕亦無害也

乾牒子唐神龍中盧江何讓之赴洛遇上巳日將陟老君廟瞰洛中遊春冠蓋廟之東北二百餘步有大丘三四時亦號後漢諸陵故張孟陽詩云恭文遙相望原陵鬱鬱元陵即光武陵一陵上獨有枯柏三四枝其下盤石可容數十人坐見一翁姿貌有異常輩眉鬚皓然著寶幘中襦袴幘烏紗抱膝南望吟曰野田荆棘春閨闈綺羅新出沒頭上日生死眼前人欲知我家在何處北邙松柏正為鄰俄有一貴戚金翠車與如花之婢數十連袂笑而出徵安門抵榆林店又柳中橋之南北垂楊拂於天津繁花明於上苑紫禁綺陌陌亂香塵讓之方軟樓運獨行躊躇已訝前吟翁非人翁忽又吟曰洛陽女兒多無奈孤翁老去何讓之遂欲前執翁條然躍入丘中讓之從焉初入丘墮黑不辨其遂翁已復本形矣遂見一狐跳出尾有火焰如流星讓之却出元堂之外門東有一筵已空讓之見一几案上有硃畫筆視之類有

一帖文書紙盡慘灰色文字則不可曉靜讓之獲此書帖喜而懷之遂躍出丘穴後數日水北同德寺僧志靜來訪讓之說云前者所獲丘中文書非郎君所用雷之不祥郎君必能却歸此他亦酬謝不薄其人謂志靜曰吾已備三百緡欲贖購此書如何讓之許諾志靜明日挈三百緡送讓之讓之領訖遂給志靜言其書已爲往還所借更一兩日當徵之便可歸本讓之復爲朋友所說云此僧亦是妖魅奈何欲還之所納緡但諱之可也後志靜來讓之悉諱云殊無此事余不曾有此文書志靜無言而退經月餘讓之先有弟在東吳別已逾年一旦其弟至焉與讓之話家私中外甚有道長夜則兄弟聯牀經五六日忽問讓之某聞此地多孤作怪誠有之乎遂話其事而誇云吾一月前曾獲野狐之文書一帖今見存焉其弟故不信曰寧有是事讓之至遲旦揭篋取此文書帖示弟弟捧而驚歎即擲於讓之前化爲狐矣俄變一美少年若新官之狀跨白馬南馳疾去適有西域胡僧賀云善哉常在天帝左右矣少年責讓之相給讓之嗟異未幾遂有勅捕內庫被盜貢絹三百疋尋蹤及此俄有吏掩至直挈讓之囊檢焉果獲其緡已費數十疋讓之越法不能雪卒斃枯木

廣異記唐則天在位有女人自稱聖菩薩人心所在女必知之太后召入宮前後所言皆驗宮中敬事之數月謂爲眞菩薩其後大安和尚入宮太后問見女菩薩未安曰菩薩何在願一見之敕令與之相見和尚風神邈然久之大安曰汝善觀心試觀我心安在答曰師心在塔頭相輪邊鈴中尋復問之曰在兜率

天彌勒宮中聽法第三問之在非非想天皆如其言太后忻服大安因且置心於四果阿羅漢地不能知大安呵曰我心始置阿羅漢之地汝已不知若置於菩薩諸佛之地何由可料女詞屈變作牝狐下階而走不知所適

楊伯成唐開元初爲京兆少尹一日有人詣門通云吳南鶴伯成見年三十餘身長七尺容貌甚盛引之升坐南鶴文辭無雙伯成接對不暇久之請屏左右欲有密語乃云聞君小娘子令淑順事門下伯成甚愕謂南鶴曰女因媒而嫁且邂逅相識君何得便爾南鶴大怒呼伯成爲老奴我索汝女何敢有逆慢辭甚衆伯成不知所以南鶴遲脫衣入內直至女所坐紙隔子中久之與女兩隨而出女言今嫁吳家何因曠責伯成知是狐魅令家人十餘輩擊之反被料理多遇泥塗南耳者伯成以此請假二十餘日敕問何以不見楊伯成皆言其家爲狐惱詔令學葉道士術者十餘輩至其家悉被泥耳及縛無能屈伏伯成以爲醜恥及賜告舉家還莊於莊上立吳郎院家人竊罵皆爲料理以此無敢言者伯成暇日無事自於田中看人刈麥休息於樹下忽有道士形甚瘦悴來伯成所求漿水伯成因而設食食畢道士問君何故憂愁伯成懼南鶴附耳說其事道士笑曰身是天仙正奉命追捕此等四五輩因求紙筆楊伯成使小奴取之然猶懼其知覺戒令無喧紙筆至道士作書三字狀如古篆令小奴持至南鶴所放前云尊師喚汝奴持書入房見南鶴方與家婢相譴奴以書授之南鶴見書匍匐而行至樹下道士呵曰老野狐敢作人形

遂變爲狐異常病疥道士云天曹驅使此輩可不殺之然以君故不可徒爾以小杖決之一百流血被地伯成以珍寶贖償道士不受驅狐前行自後隨之行百餘步至柳林邊冉冉昇天久之遂滅伯成喜甚至於舉家稱慶其女睡食頃方起驚云本在城中隔子裏何得至此衆人方知爲狐所魅精神如睡中

紀聞道士葉法善括蒼人有道術能符禁鬼神唐中宗甚重之開元初供奉在內位至金紫光祿大夫鴻臚卿時有名族得江外一宰將乘舟赴任於東門外親朋盛筵以待之宰令妻子與親故車先往胥溪水濱日暮宰至舟旁僕已陳設而妻子不至宰復至宅尋之云去矣宰驚不知所以復出城問行人人曰適食時見一婆羅門僧執幡花前導有數乘車隨之比出城門車內婦人皆下從婆羅門齊聲稱佛因而北去矣宰遂尋車跡至北邱虛墓門有大塚見其車馬皆懸其旁其妻與親表婦二十餘人皆從一僧合掌繞塚口稱佛名宰呼之皆有怒色宰前擒之婦人遂罵曰吾正逐聖者今在天堂汝何小人敢此抑遏至於奴僕與言皆不應亦相與繞塚而行宰因執胡僧遂失於是縛其妻及諸婦人皆誼叫至第竟夕號呼不可與言宰遲明問於葉師師曰此天狐也能與天通斥之則已殺之不可然此狐齋時必至請與俱來宰曰諾葉師仍與之符令置所居門既置符妻及諸人皆驚謂宰曰吾昨見佛來領諸聖衆將我等至天堂其中樂不可言佛執花前後吾等方隨後作法事忽見汝至吾故罵不知乃是魅惑也齋時婆羅門果至叩門乞食妻及諸婦人聞僧聲爭走出門喧言佛

又來矣宰禁之不可乃執胡僧鞭之見血面縛昇之往葉師所道遇洛陽令僧大叫稱冤洛陽令反答宰宰具言其故仍請與俱見葉師洛陽令不信宰言強與之去漸至聖貞觀僧神召慘沮不言及門即請命及入院葉師命解其縛僧胡僧也師曰速復汝形魁即哀請師曰不可魁乃棄袈裟於地即老狐也師命鞭之百還其袈裟復為婆羅門約令去千里之外胡僧頂禮而去出門遂亡

廣異記唐開元中彭城劉甲者為河北一縣將之官途經山店夜宿人見甲婦美白云此有靈祇好偷美婦前後至者多為所取宜慎防之甲與家人相屬不寐圍繞其婦仍以麝粉塗婦身首至五更後甲喜曰鬼神所為在夜中耳今天將曙其如何因乃假寐頃之間失婦所在甲以資帛屋村人悉持棒尋覓而行初從懸孔中出漸過牆東有一古墳墳上有大桑樹下小孔窺入其中因發掘之丈餘遇大樹坎如連屋有老狐坐據玉案前兩行有美女十餘輩持聲樂皆前後所偷人家女子也旁有小狐數百頭悉殺之唐開元中有焦鍊師修道聚徒甚眾有黃裙婦人自稱阿胡就焦學道術經三年盡焦之術而固辭去焦苦留之阿胡云己是野狐本來學術今無術可學義不得留焦因欲以術拘留之胡隨事酬答焦不能及乃於嵩頂設壇啓告老君自言己雖不才然是道家弟子妖狐所侮恐大道將墮言意懇切壇四角忽有香煙出俄成紫雲高數十丈雲中有老君見立因禮拜陳云正法已為妖狐所學當更求法以降之老君乃於雲中作法有神王於雲中以刀斷狐腰焦大歡

慶老君忽自雲中下變作黃裙婦人而去巴西侯傳吳郡張鋌開元中行次巴西巴西侯邀鋌又令左右邀元丘校尉久之有一人衣黑曰元丘校尉也既坐飲酒命樂眾盡醉而皆臥於榻鋌憐而痛有一巨甕狀如人醉臥於地蓋所謂巴西侯也又一狐臥於前蓋所謂元丘校尉也

廣異記唐開元中有李氏者早孤歸於舅氏年十二有狐欲媚之其狐雖不見形言語酬酢甚備累月後其狐復來聲音少異家人笑云此又別是一野狐矣狐亦笑曰汝何由得知前來者是十四兄己是弟頃者我欲取韋家女造一紅羅半臂家兄無理盜去令我親事不遂恆欲報之今故來此李氏因相辭謝求其禮理狐云明日是十四兄王相之日必當來此大相備亂可且令女指無名指第一節以讓之言訖便去大狐至值女方食女依小狐言指指節狐以藥類如菩提子大六七枚擲女飯碗中累擲不中驚歎甚至大言云會當入嵩岳學道始得耳座中有老婦持其藥者懼復棄之人問其故曰野狐媚我狐罵罵云何物老嫗專有人用此輩狐去之後小狐復來曰事理如何言有驗否家人皆辭謝曰後十餘日家兄當復來宜慎之此人與天曹已通符禁之術無可奈何唯我能制之待欲至時當復至此將至其日小狐又來以藥裹如松花授女曰我兄明日必至明早可以車騎載女出東北行有騎相追者宜以藥布車後則免其橫李氏候明日如狐言載女行五六里甲騎追者甚眾且欲至乃布藥追者見藥止不敢前是暮小狐又至笑云得吾力否再有一法當得永免我亦不

復來矣李氏再拜固求狐乃令取東引桃枝以朱書板上作齊州縣鄉里胡綽胡邀以符安大門及中門外釘之必當永無怪矣狐遂不至其女尚小未及適人後數載竟失之也

唐開元中有諸華明甫自稱崔參軍求娶韋氏驚愕知是妖媚然猶以禮遣之其狐尋至後房自稱女婿女便悲泣昏狂妄語韋氏累延術士狐益慢言不能却也聞峨嵋有道士能治邪魅求出為蜀令冀因其技以贖之既至道士為立壇治之少時狐至壇取道士懸大樹上縛之韋氏來院中問尊師何以在此狐云敢行禁術適縛縛之韋氏自爾甘奉其女無復觀望家人謂曰若為女婿可下錢二千貫為聘崔令於堂簷下布席修貫穿錢錢從簷上下羣婢穿之正得二千貫久之乃許婚令韋請假送禮兼會諸親及至車騎輝赫儀從風流三十餘人至韋氏送雜綵五十疋紅羅五十疋他物稱是韋乃與女經一年其子有病父母令問崔郎答云八叔房小妹今頗成人叔父令事高門所以病者小妹入室故也母極罵云死野狐魅你公然魅我一女不足更惱我兒吾夫婦暮年唯仰此子與汝野狐為婿絕無繼嗣耶崔無言但歡笑父母曰夕拜請給云爾若能愈兒疾女實不敢復論久之乃云疾愈易得但恐負心耳母頻為設盟誓異日崔乃於懷出一文字令母效書及取鵲巢於兒房前燒之兼持鵲頭自衛當得免疾韋氏行其術數日子愈女亦效為之雄狐亦去焉云丈母果爾負約知何言今去之後五日韋氏臨軒坐忽聞庭前臭不可奈仍有旋風自空而下崔狐在焉衣服破弊流血

淋漓謂草曰君夫人不義作字太彰天曹知此事校我幾死今長流沙磧不得來矣草極聲訶之曰窮老魅何不速行敢此逗遛耶孤云獨不念我錢物恩也我坐偷用天府中錢今無可還受此茶毒君何無情至此草深感其言數致辭謝徘徊復爲旋風而去

唐汧陽令不得姓名在官忽云欲出家念誦懺至月餘有五色雲生其舍又見菩薩坐獅子上升令歎嗟云發心弘大當得上果宜堅固自保無爲退敗耳因爾飛去令因禪坐閉門不食六七日家以憂懼恐以堅持損壽會羅道士公遠自蜀之京途次隴上令子請問其故公遠笑曰此是天狐亦易耳因與書數符當愈令子投符井中遂開門見父餓憊遍令吞符忽爾明悟不復修遺事後數載罷官過家素郊居平陸置漫直千里令暇日倚杖出門遙見桑林下有貴人自南方來前後十餘騎狀如王者令入門避之騎尋至門通云劉成謁令令甚驚愕初不相識何以見詣既見升堂坐謂令曰蒙賜婚姻敢不拜命初令在任有室女年十歲至是十六矣令云未曾相識何嘗有婚姻成云不許我婚姻事亦易耳以右手掣口而立令宅須臾震動井闢交流百物飄蕩不得已許之婚期冠翌日送禮成親成親後恆在宅禮甚豐厚資以饒益家人不之嫌也他日令子請京求見公遠公遠曰此狐舊日無能今已善符籙吾所不能及奈何令子懇請公遠奏請行尋至所居於令宅外十餘步設壇成策杖至壇所屬云老道士汝何爲往來靡所忌憚公遠法成求與交戰成坐令門公遠坐壇乃以物擊成成仆於地久之方起亦以物擊公遠公遠亦

仆如成焉如是往返數十公遠忽謂弟子云彼擊余燈爾宜大臨吾當以神法縛之及其擊也公遠仆地弟子大哭成喜不爲之備公遠遂使神往擊之成大戰恐自言力竭變成老狐公遠既起以坐具撲狐盛之以大袋乘驛還都元宗觀之以爲歡笑公遠上白云此是天狐不可得殺宜流之東裔耳書符流於新羅狐持符飛去今新羅有劉成神土人敬事之

唐開元中東光縣令謝混之以嚴酷強暴爲政河南著稱混之嘗大獵於縣東殺狐復甚衆其年冬有一人詣臺訟混之殺其父兄兼他贓物復藉中書令張九齡令御史張曉往按之兼鎖繫告事者同往曉素與混之相善先疏其狀令自料理混之遍問里正皆云不識有此人混之以爲詐已各依狀明其妄以待辨曉將至滄州先牒繫混之於獄混之令吏人鋪設使詣院候曉有里正從寺門前過門外金剛有木室扁護甚固聞金剛下有人語聲其肩已鎖非人所入里正因逼前聽之聞其祝云縣令無狀殺我父兄今我二弟詣臺訴冤使人將至願大神庇蔭令得理有項見孝子從隙中出里正意其非人前行尋之其人見里正惶懼入寺至廟後失所在歸以告混之混之驚愕久之乃曰吾春首大殺狐狼得無是耶及曉至引訟者出縣人不之識訟者言詞忿爭理無所屈混之未知其故有識者勸令求獵犬獵犬至見訟者直前搏逐徑跳上屋化爲二狐而去

唐吳郡王苞者少事道士葉靜能中罷爲太學生數歲在學有婦人寓宿苞與結驩情好甚焉靜能在京苞往省之靜能謂曰汝身何得有野狐氣固答云無

能曰有也苞因言得婦始末能曰正是此老野狐隔別書一符與苞令含誡之曰至舍可吐其口當自來此爲汝遣之無憂也苞還至舍如靜能言婦人得符變爲老狐銜符而走至靜能所拜謝靜能云放汝一生命不宜更至於王家自此遂絕

集異記徐安者下邳人也好以漁獵爲事安妻王氏貌甚美人頗知之開元五年秋安遊海州王氏獨居下邳忽一日有一少年狀甚偉願王氏曰可惜芳艷虛過一生王氏聞而悅之遂與之結好而來去無憚安既還妻見之恩義殊隔安頗訝之其妻至日將夕即飾帷靜處至二更乃失所在追曉方回亦不見其出入之處他日安潛伺之其妻乃騎故龍從隱而出至曉復返安是夕閉婦於他室乃詐爲女子粧飾袖短劍騎故龍以待之至二更忽從隱而出徑入一山嶺乃至會所帷幄華煥酒饌羅列座有三少年安未及下三少年曰王氏來何早乎安乃奮劍擊之三少年死于座安復騎龍即不復飛矣俟曉而返視夜來所殺少年皆老狐也安到舍其妻是夕不復粧飾矣

紀聞唐寧王傳哀嘉祚年五十應制授垣縣縣丞開素因爲者畫死嘉祚到官而宅宅數任無人居屋宇摧殘荆棘充塞嘉祚剪其荆棘理其牆垣坐廳事中邑老吏人皆懼動出不可既而魅夜中爲怪嘉祚不動伺其所入明日掘之得狐狐老矣兼子孫數十頭嘉祚盡烹之次至老狐狐乃言曰吾神能通天預知休咎願置我我能益於人今此宅已安捨我何害嘉祚前與之言備告其官秩又曰願爲耳目長在左右乃免狐後祚如狐言秩滿果遷數年至御史狐乃去

太平廣記任氏女妖也有章使君者名峯第九信安王禕之外孫少落拓好飲酒其從父妹婿曰鄭六不記其名早習武藝亦好酒色貧無家託身於妻族與峯相得遊處不間唐天寶九年夏六月峯與鄭子偕行於長安陌中將會飲於新會里至宣平之南鄭子辭有故請間去繼至飲所峯乘白馬而東鄭子乘驢而南入昇平之北門偶值三婦人行於道中有白衣者容色殊麗鄭子見之驚悅策其驢忽先之忽後之將挑而未敢白衣時時盼睐意有所授鄭子戲之曰美豈若此而徒行何也白衣笑曰有乘不解相假不徒行何為鄭子曰劣乘不足以代佳人之步今輒以相奉某得步從足矣相視大笑同行者更相眩誘稍已押驅鄭子隨之東至樂遊園已昏黑矣見一宅土垣車門室宇甚嚴白衣將入顧曰顧少卿而女奴從者一人畱於門屏間問其姓第鄭子既告亦問之對曰姓任氏第二十少頃延入鄭驢繫於門置帽於鞍始見婦人年三十餘與之承迎即任氏姊也列燭置膳舉酒數觴任氏更繼而出酣飲極歡夜久而寢其妍姿美質歌笑態度舉措皆麗殆非人世所有將曉任氏曰可去矣某兄弟名係教坊職屬南衙晨興將出不可淹留乃約後期而去既行及里門門扇未發旁有胡人鬻餅之舍方張燈熾燼鄭子聽其簾下坐以候鼓因與主人言鄭子指宿所以問之曰此東轉有門者誰氏之宅主人曰此墮墻棄地無第宅也鄭子曰適過之曷以云無與之固爭主人適悟乃曰吁我知之矣此中有一狐多誘男子偶宿嘗三見矣公子亦遇乎鄭子赧而隱曰無賞明復視其所

見土垣車門如故窺其中皆機院及廢園耳既歸見峯登責以失期鄭子不泄以他事對然想其麗冶顧復一見之心常存之不忘經十許日鄭子遊入西市衣肆瞥然見之疑女奴從鄭子連呼之任氏側身周旋於欄人中以避焉鄭子連呼前迫方背立以扇障其後曰公知之何相近焉鄭子曰雖知之何患對曰事可愧恥難施面目鄭子曰動想如是忍相棄乎對曰安敢棄也懼公之見惡耳鄭子發誓詞旨益切任氏乃回眸去扇光彩艷麗如初謂鄭子曰人間如某之比者非一公自不識耳無獨怪也鄭子請之與叙歡對曰凡某之流為人惡忌者非他為其傷人耳某則不然若公未見惡願終已以奉巾櫛鄭子許與謀棲止任氏曰從此而東大樹出於棟間者門巷幽靜可稅以居前時自宣平之南乘白馬而東者非君妻之昆弟乎其家多什器可以假用是時峯伯叔從役四方三院什器皆貯藏之鄭子如言訪其舍而詣峯假什器問其所用鄭子曰新獲一麗人已稅得其舍假具以備用峯笑曰觀子之貌必獲麗何麗之絕也峯乃悉假帷帳榻席之具使家僮之惠黠者隨以視之俄而奔走返命氣吁汗洽峯迎問之有乎又問容若何曰奇怪也天下未嘗見之矣峯姻族廣茂且風從遙遊多識美麗乃問曰孰與某美僮曰非其倫也峯逼比其佳者四五人皆曰非其倫是時吳王之女有第六者則峯之內妹機麗如神仙中素素推第一峯問曰孰與吳王家第六女美又曰非其倫也峯撫手大駭曰天下豈有斯人乎遂命汲水澡頸中首膏脣而往既至鄭子適出峯入門見小僮笑曰無之

登周視室內見紅裳出於戶下追而察焉見任氏脫身匿於扇間峯引出就明而觀之殆過其所傳矣峯愛之發狂乃擁而凌之不服峯以力制之方意則曰服矣請少迴旋旋既從其捍禦如初如是者數四峯乃悉力急持之任氏力竭汗若濡雨自度不免乃縱體不復抗拒而神色慘變峯問曰何色之不悅任氏長歎息曰鄭六之可哀也峯曰何謂對曰鄭生有六尺之軀而不能庇一婦人豈丈夫哉且公少豪侈多獲佳麗遇某之比者衆矣而鄭生窮賤耳所稱懷者唯某而已忍以有餘之心而奪人之不足乎哀其窮餓不能自立衣公之衣食公之食故為公所繫耳若機可給不當至是峯素俊有義烈聞其言遽置之斂衽而謝曰不敢俄而鄭子至與峯相視哈樂自是凡任氏之薪粒牲餼皆峯給焉任氏時有經過出入或車馬舉步不常所止峯日與之游甚歡每相狎昵無所不至唯不及亂而已是以峯愛之重之無所怪惜一食一飲未嘗忘焉任氏知其愛已因言以謝曰愧公之見愛甚矣願以陋質不足以答厚意且不能負鄭生故不得遂公歡某秦人也生長秦城家本伶倫中表姻族多為人寵服以是長安狹斜悉與之通或有妹麗悅而不得者為公致之可矣願持此以報德峯曰幸甚塵中有鬻衣之婦曰張十五娘者肌體凝潔峯嘗悅之因問任氏識之乎對曰是某表姊妹致之易耳旬餘果致之數月厭罷任氏曰市人易致不足以展効或有幽絕之難謀者試言之願得盡智力焉峯曰昨者寒食與二三子遊於千福寺見刁將軍繡張樂於殿堂有善吹笙者年二八雙鬟垂耳嬌姿

艷絕當識之乎任氏曰此寵奴也其母即妾之內姊也求之可也豈拜於席下任氏許之乃出入刁家月餘峯促問其計任氏願得雙繼以爲路峯依給焉後二日任氏與峯方食而緇使蒼頭控青驪以逐任氏任氏聞召因笑謂峯曰諧矣初任氏加寵奴以病針輒莫滅其母與緇憂之方甚將徵諸巫任氏密賂巫者指其所居使言從微爲吉及視病巫曰不利在家宜出居東南某所以取生氣緇與其母詳其地則任氏之第在焉緇遂請居任氏謬辭以偏狹勸請而後許乃輦服玩并其母偕送於任氏至則疾愈未數日任氏密引峯以通之經月乃孕其母懼遽歸以就緇由是遂絕他日任氏謂鄒子曰公能致錢五六千乎將爲謀利鄒子曰可遂假求於人獲錢六千任氏曰竊馬於市者馬之股有疵者可買以居之鄒子如市果見一人牽馬求售者偕在左股鄒子買以歸其妻昆弟皆嗤之曰是棄物也買將何爲無何任氏曰馬可壽矣當復三萬鄒子乃賣之有間二萬鄒子不與一市盡曰彼何苦而貴買此何愛而不壽鄒子乘之以歸買者隨至其門屢增其估至二萬五千亦不與曰非三萬不鬻其妻兄弟聚而訴之鄒子不獲已遂賣卒不登三萬既而密伺買者徵其由乃昭隱縣之御馬疵股者死三歲矣斯更不時除籍官徵其估計錢六萬設其以半買之所獲尚多矣若有馬以備數則三年芻粟之估皆更得之且所償蓋寡是以買耳任氏又以衣服故敝乞衣於峯峯將買全採與之任氏不欲曰願得製成者峯召市人張大爲買之使見任氏問所欲張大見之驚謂峯曰此必天人貴戚爲

鄒所竊且非人間所宜有者願速歸之無及於禍其容色之動人也如此竟買衣之成者而不自緝縫後歲餘鄒子武調授槐里府果毅尉在金城縣時鄒子方有妻室雖晝游於外而夜寢於內多恨不得轉其夕將之官邀與任氏俱去任氏不欲任曰旬月同行不足以爲歡請計給糧餼端居以俟歸鄒子懇請任氏愈不可鄒子乃求峯資助峯亦勸勉且詰其故任氏良久曰有巫者言某是歲不利西行故不欲耳鄒子甚惑亦不思其他與峯大笑曰明智若此而爲妖惑何哉固請之任氏曰儒平者言可徵徒爲公死何益二子曰豈有斯理乎懇請如初任氏不得已遂行峯以馬借之出祖於臨單揮袂別去寄宿至馬嵬任氏乘馬居其前鄒子乘驢居其後女奴別乘又在其後是時西門圍人牧獵狗於洛川已旬日矣適值於道蒼犬騰出於草間鄒子見任氏欽然墜於地復本形而南馳蒼犬逐之鄒子隨走叫呼不能止里餘爲犬所獲鄒子銜涕出囊中錢以煙之刺木爲記迴覩其馬嚼草於路隅衣服悉委於鞍上履襪猶懸於簾間若蟬蛻然唯首飾墜地餘無所見女奴亦逝矣旬餘鄒子還城峯見之喜迎問曰任子無恙乎鄒子泣然對曰歿矣峯聞之亦慟相持於室盡哀徐問疾故答曰爲犬所害峯曰犬雖猛安能害人答曰非人峯駭曰非人何者鄒子方述本未峯驚訝歎息不能已明日命駕與鄒子俱適馬嵬登臺視之長慟而歸追思前事唯衣不自製與人頗異焉
廣異記唐天寶中李長爲絳州司士攝司戶事舊傳此闕素凶惡事若有小孔子出者司戶必死天下共

傳司戶孔子長自攝職便處此廳十餘日兒年十餘歲如廁有白裙婦人持其頭將上牆人救獲免忽不復見其大怒罵空中以瓦擲中其手表弟崔氏是日至其所言此野狐耳曲沃饒鷹犬當大致之俄又擲糞於崔杯中後數日犬至長大獵復役狐數頭懸於簷上夜中聞簷上呼李司士云此是狐妻作祟何以枉殺我孀兒欲就司士一飲明日可具鴈相待長云已正有酒明早來及明酒具而狐至不見形影具聞其言甚因與交杯至狐其酒愈然而盡狐累飲三斗許長唯飲二升忽言云今日醉矣恐失禮儀司士可罷狐姿不足曼矣明當送法履之翌日長將入衙忽聞簷上云領取法尋有一團紙落長便開視中得一帖令施燈心席席後乃書符符法甚備長依行之其怪遂絕
王豔者結婚崔氏唐天寶中妻父士同爲河州刺史黠隨至江夏爲狐所媚不欲渡江發狂大叫恆欲赴水妻屬惶惶縛繫著牀擡上舟行半江忽驚欣笑至岸大喜曰本謂諸女郎輩不隨過江今在州城上復何慮也士同蒞官便求術士左右言州人能射狐者士同延至今人堂中悉施牀席寢黯於屋西北隅家人數十持更迭守已於堂外別施一牀持弓矢以候狐至三更忽云諸人皆可飽睡適已中狐明當取之衆以爲狂而未之信及明見意中有血衆隨血去入大坑中草下見一牝狐帶箭垂死黯妻燒狐爲灰服之至盡自爾得平復後爲原武縣丞在廳事忽見老狐奴婢詣黯再拜云是大家阿嬌往者娘子枉爲崔家殺害翁婆追念未嘗離口今欲將小女更與王郎

續親故令申意兼取吉日成婚黯甚懼辭以厚利萬計料理遂出羅錦十餘疋於通衢焚之老奴乃謂其婦云天下美丈夫亦復何數安用王家老翁爲女婿言訖不見

唐道士孫甌生本以養鷹爲業後因放鷹入一窟見狐數十枚讀書有一老狐當中坐遙以傳授甌生直入奪得其書而還明日有十餘人持金帛詣門求贖甌生不與人云君得此亦不能解用之若寫一本見還當以口訣相授甌生竟傳其法爲世術士狐初與甌生約不得示人若違者必當非命天寶末元宗固就求之甌生不與竟伏法

靈怪錄杭州有王生者建中初辭親之上國收拾舊業將投於親知求一官耳行至圃田下道尋訪外家舊莊日晚見柏林中二野狐倚樹如人立手執一黃紙文書相對言笑旁若無人生乃叱之不爲變動生乃取彈因引滿彈之且中其執書者之目二狐遺書而走王生遂往得其書纔一兩紙文字類梵書而莫究識遂藏於書袋中而去是夕宿於前店因話於主人方訝其事忽有一人攜裝來宿眠疾之甚若不可忍而語言分明聞王之言曰大是異事如何得見其書王生方將出書主人見患眼者一尾垂下牀因謂生曰此狐也王生遽收書於懷中以手摸刀逐之則化爲狐而走一更後復有人扣門王生心動曰此度更來當與刀箭敵汝矣其人隔門曰爾若不還我文書後無悔也自是更無消息王生秘其書藏諸甚密行至都下以求官伺謁之事期方賒緩即乃典帖舊業田園卜居近坊爲生計月餘有一僮自杭州

而至縶裳入門手執凶計王生迎而問之則生已丁家親矣數日間慟生因視其書則母之手字云吾家本秦不願葬於外地今江東田地物業不可分毫破除但都下之秦可一切處置以資喪事備具皆畢然後自來迎接王生乃盡賣田宅不候善價得其資備塗芻之禮無所欠少既而復盤昇東下以迎靈輿及至揚州遙見一船子上有數人皆喜笑歌唱漸近視之則皆王生之家人也意尚謂其家貨之今屬他人矣須臾又有小弟妹寡廉而出皆綵服笑語驚性之際則其家人船上驚叫又曰郎君來矣是何服飾之異也王生潛令人問之乃聞其母驚出生遂毀其絃絃行拜而前母迎而問之其母駭曰安得此理王生乃出母送遺書乃一張空紙耳母又曰吾所以來此者前月得汝書云近得一官令吾盡貨江東之產爲入京之計今無可歸矣及母出王生所寄之書又一空紙耳王生遂發使入京盡毀其凶器之具因鳩集餘資自淮挾扶侍且住江東所有十無一二纔得數間屋足以庇風雨而已有弟一人別且數歲一旦忽至見其家道敗落因徵其由王生具話本末又述妖狐之事曰但因此爲禍耳其弟驚嘆因出妖狐之書以示之其弟纔執其書退而置於懷中曰今日還我天書言畢乃化作一狐而去

河東記唐李自良少在兩河間落拓不事生業好鷹鳥常竭盡資爲韞緹之用馬燧之鎮太原也募能以鷹犬從禽者自良即詣軍門自上陳自良質狀驍健燧一見悅之置於左右每呼鷹逐獸未嘗不愜心快意焉數年之間累職至牙門大將因從禽縱鷹逐一

狐狐挺入古城中鷹相隨之自良卽下馬乘勢跳入壙中深三丈許其間明明如燭見燭塌上有壞棺復有一道士長尺餘執兩紙文書立於棺上自良因擊得文書不復有他物矣遂臂鷹而出道士隨呼曰幸爾文書當有重報自良不應乃視之其字皆古篆人莫之識明且有一道士儀狀風雅詣自良自良曰仙師何所道士曰某非世人以將軍昨日遍奪天符也此非將軍所宜有若能見還必有重報自良固不與道士因屏左右曰將軍神將耳某能三年內致本軍政無乃極所願乎自良曰誠如此願亦未可信如何道士卽超然奮身上騰空中俄有仙人絳節玉童白鶴徘徊空際以迎接之須臾復下謂自良曰可不見乎此豈是妄言者耶自良遂再拜持文書歸之道士喜曰將軍果有福祚後年九月內當如約矣於時貞元二年也至四年秋馬燧入觀太原者舊有功大將官秩崇高者十餘人從焉自良職最卑上問太原北門重鎮誰可代卿者燧昏然不省唯記自良名氏乃奏曰李自良可上曰太原將校當有者舊功勳者自良後輩素所未聞卿更思量燧倉卒不知所對又曰以臣所見非自良莫可如是者再三上亦未之許燧出見諸將愧汗浹背私誓其心後必薦其年德最高者明日復問竟誰可代卿燧依前昏迷唯記舉自良上曰當侯議定於宰相耳他日宰相入對上問馬燧之將孰賢宰相愕然不能知其餘亦皆以自良對之乃拜工部尚書太原節度使

宣室志唐貞元中江陵少尹裴君者忘其名有子十餘歲聰敏有文學風貌明秀裴君深愛之後被病旬

日益甚醫藥無及裴君方求道術士用呵禁之冀瘳其苦有叩門者自稱高氏子以符術爲業裴即延入令視其子生曰此子非他疾乃妖狐所爲耳然某有術能愈之即謝而祈焉生遂以符術考召近食頃其子忽起曰某病今愈裴君大喜謂高生爲真術士具飲食已而厚贈緡帛謝遣之生曰自此當日日來候耳遂去其子他疾雖愈而神魂不足往往狂語或笑哭不可禁高生每至裴君即以此懇祈之生曰此子精魄已爲妖魅所繫今尚未還耳不旬日當開幸無以憂裴信之居數日又有王生者自言有神符能以呵禁除去妖魅疾來謁裴與語謂裴曰聞君愛子被病且未瘳願得一見矣裴即見其子生大驚曰此郎君病狐也不速治當加甚耳裴君因語高生王笑曰安知高生不爲狐乃坐方設席爲呵禁高生忽至既入大罵曰奈何此子病愈而乃延一狐於室內耶卽爲病者耳王見高來又罵曰果然妖狐今果至安用爲他術考名哉二人紛然相詬辱不已裴氏家方大駭異忽有一道士至門私謂家僮曰聞裴公有子病狐吾善視鬼汝但告請入謁家僮馳白裴君出話其事道士曰易與耳入見二人又語曰此亦妖狐安得爲道士惑人道士亦罵曰狐當還郊野墟墓中何爲擾人乎既而閉戶相關數食頃裴君益恐其家僮惶惑計無所出及暮聞然不聞聲開視三狐皆仆地而喘不能動矣裴君盡輟殺之其子後旬月乃愈矣

太平廣記南陽張簡棲唐貞元末於徐泗間以放鷹爲事是日初晴鷹擊擊不中騰沖入雲路簡棲望其

蹤與徒從分頭逐覓供至夜可一更不覺至一古墟之中忽有火燭之光迫而前乃一塚穴中光明耳視之見狐憑几尋讀冊子其旁有羣鼠益湯茶送果栗皆人立拱手簡棲呵之狐驚走收拾冊子入深黑穴中藏簡棲以鷹竿挑得一冊子乃歸至四更宅外聞人叫索冊子聲出竟卽無所見至明皆失所在自此夜夜來索不已簡棲深以爲異因攜冊子入郭欲以示人往去郭有三四里忽逢一知己相揖問所往簡棲乃取冊子語狐狀前人亦驚笑接得冊子便鞭馬疾去迴顧簡棲曰謝以冊子相還簡棲遂之轉急其人變爲狐馬變爲塵不可及迴車入郭訪此宅知己原在未出方知狐來奪之其冊子裝束一如人者紙墨亦同皆狐書不可識

集異記貞元末曉衛將軍薛雙寓居永寧龍興觀之北多妖狐狐夜則縱橫達人不忌舉家驚恐莫知所如或謂曰妖狐最憚獵犬西鄰李太尉第中鷹犬頗多何不假其駭異者向夕以待之雙深以爲然卽詣西鄰子弟具述其事李氏喜聞羈三犬以付焉是夕月明雙縱大與家人輩密視之見三犬皆被羈約三狐跨之奔走庭中東西南北靡不如意及曉三犬困殆寢而不食纔暇復爲乘跨廣庭蹴踘犬稍雷響鞭策備至變無奈何竟從焉

宣室志唐元和中計貞家僑青齊間嘗西遊長安至陝貞與陝從事善是日將告去從事畱飲酒至暮方與別及行未十里遂兀然墜馬而二僕驅其衣囊前去矣及貞醉寤已墮黑馬亦先去因顧道左小逕有馬溺卽往尋之不覺數里忽見朱門甚高槐柳森

然貞既亡僕馬悵然遂叩其門扁鍵有小童出視貞卽問曰此誰氏居曰李外郎別墅貞請入謁僮遽以告之頃之令人請客入息於賓館卽引入門其左有賓位甚清敞所設屏障皆古山川及名畫圖經藉茵榻之類率潔而不華貞坐久之小僮出曰主君且至俄有一丈夫年約五十朱紱銀章儀狀甚偉與生相見揖讓而坐因具述從事故人畱飲酒道中沈醉不覺睡黑僕馬俱失願寓此一夕可乎李曰但慮此卑隘不可安貴客寧有間耶貞婉謝之李又曰某嘗從事於蜀尋以疾罷去今則歸休於是矣因與議語甚敏博貞頗慕之又命家僕訪貞僕馬俄而皆至卽舍之既而設饌共食食竟飲酒數杯而寐明日貞晨起告去李曰願更得一日侍歡笑生感其意卽畱明日乃別及至京師居月餘有款其門者自稱進士獨孤治貞延坐與語甚聰辯且謂曰某家於陝昨西來過李外郎談君之美不暇且欲與君爲姻好故令某奉謁話此意君以爲何如貞喜而諾之治曰某今還陝君東歸當更訪外郎且謝其意也遂別去後旬月生還詣外郎別墅李見貞至大喜生卽語獨孤治之言因謝之李遂畱生十日就禮妻名甚美且聰敏柔婉生畱旬月乃娶妻娶歸青齊自是李君音耗不絕生奉道每晨起閱黃庭內景經李氏常止之曰君好道寧如秦王漢武乎求仙之力又孰若秦王漢武乎彼二人貴爲天子富有四海竭天下之財以學神仙尚崩於沙丘葬於茂陵况君一布衣而乃惑於神仙耶貞叱之乃終卷意其知道者亦不疑爲他類也後歲餘貞挈家調還至陝郊李君畱其女而遣生來京師

明年秋授兗州參軍李氏隨之官數年罷秩歸齊魯又十餘年李有七子一女才質姿貌皆居衆人先而李客色端麗無殊少年時生益鍾念之無何被疾且甚狂奔走醫巫無所不至終不愈一旦屏人握生手嗚咽流涕自言曰妾自知死至然忍羞以心曲告君幸君寬罪有戾使得盡言因歎歎不自勝生亦爲之泣固慰之乃曰一言誠自知受責於君願九殢子猶在以爲君累尚敢一發口且妾非人間人天命當與君偶得以狐狸賤質奉箕帚二十年未嘗纖芥獲罪今日求去不敢以妖幻餘氣託君念極弱滿眼皆世間人爲嗣續及某氣盡願少念弱子心無以枯骨爲難得全支體埋之土中乃百生之賜也言終又悲慟淚百行下生驚恍傷感咽不能語相對泣良久以被蒙首背壁臥食頃無聲生遂發被見一狐死被中生特感悼之爲之斂葬之制皆如人禮訖生徑至陝訪李氏居墟墓荆棘闌無所見惆悵還家居歲餘七子二女相次而卒視其骸皆人也而終無惡心

會昌解頤錄唐丞相牛僧孺在中書草場官張立本有一女爲妖物所魅來時女即濃粧盛服於閨中如與人言笑其去則狂呼號泣不已久每自稱高侍郎一日忽吟一首云危冠廣袖楚宮粧獨步閒庭逐夜涼自把玉簪敲砌竹清歌一曲月如霜立本乃隨口抄之立本與僧法舟爲友至其宅遂示其詩云某女少不曾讀書不知因何而能得乃與立本兩粒丹令其女服之不旬日而疾自愈其女說云宅後有竹叢與高錯侍郎墓近其中有野狐窟穴因被其魅服丹之後不聞其疾再發矣

傳記太和中中有處士姚坤不求榮達嘗以釣魚自適居於東洛萬安山南以琴尊自怡其側有獵人常以細取狐兔爲業坤性仁恆收贖而放之如此活者數百坤舊有莊資於嵩嶺善提寺坤持其價而贖之其知莊僧惠洽行兇率常於園處擊并深數丈投以黃精數百斤求人試服觀其變化乃飲坤大醉投於井中以磴石咽其井坤及醒無計躍出但佩茹黃精而已如此數日夜忽有人於井中召坤姓名謂坤曰我狐也感君活我子孫不少故來教君我狐之通天者初穴於塚因上竅乃窺天漢星辰有所慕焉恨身不能奮飛遂疑盼注神忽然不覺飛出蹶虛駕雲登天漢見仙官而禮之君但能澄神泯慮注盼元虛如此精確不三旬而自飛出雖竅之至微無所礙矣坤曰汝何據耶狐曰君不聞西昇經云神能飛形亦能移山君其努力言訖而去坤信其說依而行之約一月忽能跳出於磴孔中遂見僧大駭視其井依然僧體坤詰其事坤告曰但於中餌黃精一月身輕如神自能飛出竅所不礙僧然之還弟子以索墜下約弟子一月後來窺弟子如其言月餘來窺僧已斃於井矣

坤歸旬日有女子自稱天桃詣坤云是富家女誤爲少年誘出失蹤不可復返願持箕帚坤見之妖麗冶容至於篇什等體俱能精至坤亦念之後坤應制挈天桃入京至盤豆館天桃不樂取筆題竹簡爲詩一首曰鈴華久御向人間欲捨鈴華更慘顏縱有青丘今夜月無因重照舊雲鬟吟諷久之坤亦覺然忽有曹牧遣人執良犬將獻裴度入館大見天桃怒目擊斃蹄步上階天桃亦化爲狐跳上犬背扶其目大驚

騰號出館望荆山而竄坤大駭逐之行數里犬已斃狐卽不知所之坤惆悵悲惜盡日不能前進及夜有老人挈美醢詣坤云是舊相識既飲坤終莫能達相識之由老人飲罷長揖而去云報君亦足矣吾孫亦無恙遂不見坤方悟狐也後寂無聞矣

宣室志尹瑗者嘗舉進士不中第爲太陽普原尉既罷秩退居郊野以文墨自適忽一日有白衣丈夫來謁自稱吳興朱氏子早歲嗜學竊聞明公以文業自負願質疑於執事無見拒瑗卽延入與語且徵其說云家僑嵐川早歲與御史王君皆至北門今者寓跡於王氏別業累年自此每四日輒一來甚敏辯縱橫詞意典雅瑗深愛之瑗因謂曰吾子機辯元奧可以從郡國之遊爲公侯高客何乃自取沈滯隱跡叢莽生曰余非不願謁公侯且懼旦夕有不虞之禍瑗曰何爲發不祥之言乎朱曰某自今歲來夢卜有窮盡之數瑗卽以詞慰諭之生頗有愧色後至重陽日有人以濃醴一瓶遺瑗朱生亦至瑗因以酒飲之初辭以疾不敢飲已而又曰佳節相遇豈敢不盡主人之歡耶卽引滿而飲食頃大醉告去未行數十步忽仆於地化爲一老狐酩酊不能動矣瑗卽殺之因訪王御史別墅有老農謂瑗曰王御史并之碑將往歲戌於嵐川爲狐媚病而卒已累年矣墓於村北數十步卽命家僮尋御史墓果有穴瑗後爲御史竊話其事時唐太和初也

杜陵韋氏子家於韓城有別墅在邑北十餘里開成十年秋自邑中遊焉日暮見一婦人素衣挈一瓢自北而來謂韋曰妾居邑北里有年矣家甚貧今爲

吏胥所辱將訟於官幸吾子紙書其事妾得以執詣
邑冀雪其恥韋諾之婦人即揖韋坐田野衣中出一
酒卮曰瓢中有酒願與吾子盡醉於是注酒一飲韋
羣方舉卮會有獵騎從西來引數犬婦人望見即東
走數步爲一狐韋大恐視手中卮乃一罇懷酒若牛
溺之狀韋因病熱月餘方瘳

三水小牘唐咸通庚寅歲盧龍軍節度使檢校尚書
左僕射張直方抗表請修入觀之禮優詔允焉先是
張氏世蒞燕土燕民世服其恩禮燕臺之嘉賓撫易
水之壯士地沃兵盛朝廷每姑息之洎直方之嗣事
也出綺執之中據方嶽之上未嘗以民間休戚爲意
而醉酒於室淫獸於原巨賞狎於皮冠厚寵集於綠
幘暮老而三軍大怒直方稍不自安左右有爲其計
者乃盡室西上至京懿宗受之左武衛大將軍而直
方飛倉走黃其親微道之職往往設置累於通道則
犬彘無遺賊獲有不如意者立殺之或曰輩較之下
不可專戮其母曰尚有尊於我子者耶其僮奴可知
也於是諫官列狀上請收付廷尉天子不忍真於法
乃降爲燕王府司馬俾分務洛陽焉直方至東都既
不自新而慢游愈極洛陽四旁者攫者見皆識之
必羣噪長嗥而去有王知古者東諸侯之貢士也雖
薄涉儒術而數不中春官選乃退遊於山川之上以
擊鞠揮觴爲事遨遊於南鄉北里間至是有紹介於
直方者直方延之觀其利喙瞻辭不覺前席自是日
相狎王辰歲冬十一月知古嘗最典餽舍無煙愁雲
塞望悄然弗怡乃徒步造直方第至則直方急趨將
出敗也謂知古曰能相從乎而知古以祁寒有難色

直方顧中僮曰取短皂袍來請知古衣之知古乃上
加麻衣焉遂聯轡而去出長夏門則微霰初零由闕
塞而密雪如注乃渡伊水而東南踐萬安山之陰麓
而輻弋之獲甚夥傾羽觴燒兔肩殊不覺有嚴冬意
及霰開雪霽日將夕焉忽有封狐突起於知古馬首
乘醉馳之數里不能及又與獵徒相失須臾雀噪煙
暝莫知所如隱隱聞洛城暮鐘但彷徨於樵徑古陌
之上俄而山川黯然而一鼓將半長望間有炬火甚
明乃依積雪光而赴之復若十餘里至則喬林交柯
而朱門中開皓壁橫互真北闕之甲第也知古及門
下馬將徙倚以待且無何小囀轡轡聞者覺之隔闥
而問阿誰知古應曰成周貢士太原王知古也今旦
有友人將歸於崆峒舊隱者僕餞之伊水濱不勝離
鵬既慘袂焉遂復不能止失道至此耳運明將去幸
無見讓聞曰此乃南海副使崔中丞之莊也主父近
承天書赴闕郎君復隨計吏西征此唯閨中人耳
豈可淹久乎某不敢去留請問於內知古雖休惕不
寧自度中宵矣去將安適乃拱立以俟少頃有秉密
炬自內至者振管關扉引保母出知古前拜仍述厥
由母曰夫人傳語主與小子皆不在家於禮無延客
之道然僻居與山載接畛豺狼所嗥若固相拒是見
溺而不援也請舍外廳翌日可去知古辭謝從保母
而入過重門側廳所樂檀宏敞帷幕鮮華張銀燈設
綺席命知古坐焉酒三行復陳方丈之饌約胎肪腴
窮水陸之美者保母亦自來相勉食畢保母復問知
古世嗣官族及內外姻黨知古具言之乃曰秀才軒
裳令胄金玉奇標既富春秋又潔操履斯實淑媛之

賢夫也小君以鍾愛稚女將及笄年常託媒妁爲求
佳對久矣今夕何夕復遇良人潘楊之睦可遵鳳凰
之兆斯在未知雅抱如何耳知古斂容曰僕愧金
聲才非玉潤豈室家爲望唯泥塗是憂不謂寵及迷
津慶逢子夜聆清音於魯館逼佳氣於秦臺二客遊
神方茲冥計三星委照唯恐不揚僊獲託彼瓊宗
以佳偶則平生志畢在斯乎保母喜譔浪而入白
復出致小君之命曰兒自移天雀門實秉懿範奉蘋
繁之敬知琴瑟之和唯以稚女自懷思配君子既辱
高義乃叶夙心上京飛書路且不遠百兩陳禮事亦
非憚忻慰孔多傾囑而已知古聲折而答曰某蟲沙
微類分及湮淪而鐘鼎高門忽蒙採拾有知白水以
奉清塵鶴企鳬趨唯待休旨知古復拜保母戲曰他
日錦雉之衣欲解青鸞之匣全開晚如月暈室若雲
迷此際頗相念否知古謝曰以凡近仙自地登漢不
有所舉孰能自媒謹當銘彼襟懷志之紳帶期於沒
齒佩以周旋復拜時則月沈當庭實爲良夜保母請
知古脫服以休既解麻衣而早袍見保母謂曰豈有
縫掖之士而服短後之衣耶知古謝曰此乃假之於
所與遊者固非己有又問所從答曰乃盧龍張直方
僕射所借耳保母忽驚仆地色如死灰既起不顧
而走入宅遙聞大叱曰夫人差事宿客乃張直方之
徒也復聞夫人音叱曰火急逃出無啓寇讎於是婢
子小豎輩羣從乘猛炬曳白帟而登階知古僥倖
於庭中四顧遙謝誓言押至僅得出門纔出已橫關
圍扉猶聞誼譚未已知古愕立道左自歎人之將墜
顏垣乃得馬於其下遂馳去遙望大火若燎原者乃

縱轡赴之至則輪租車方飯牛附火耳詢其所則伊水東草店之南也復枕轡假寐食頃而震方洞然心思稍安乃揚鞭於大道比及都門已有直方騎數輩來跡矣遙至其第既見直方而知古憤懣不能言直方慰之坐定知古乃述宵中怪事直方起而撫髀曰山魃木魅亦知人間有張直方耶且止知古復益其徒數十人皆射皮飲羽者享以卮酒豚肩與知古復南出既至萬安之北知古前導殘雪中馬跡宛然直諸柏林下至則碑板廢於荒坎樵薪殘於密林中列大冢十餘皆狐兔之窟宅其下成蹊於是直方命四周張羅毅弓以待內則束火荷舖且掘且燼少頃羣狐突出焦頭爛額者臂挂者應聲飲羽者凡獲狐大小百餘頭以歸

朝野僉載唐國子監助教張簡河南緱氏人也曾爲鄉學講文選有野狐假簡形講一紙書而去須臾簡至弟子怪問之簡異曰前來者必野狐也講罷歸舍見妹坐絡絲謂簡曰適煮菜令兄何來遲簡坐久待不至乃責其妹妹曰元不見兄來此必是野狐也更見即殺之明日又來見妹坐絡絲謂簡曰鬼魅適向舍後簡遂持棒見真妹從廁上出來遂擊之妹號叫曰是兒簡不信因擊殺之問絡絲者化爲野狐而走廣異記唐兗州李恭軍拜職赴上途次新鄭逆旅遇老人讀漢書李因與交言便及姻事老人問先婚何家李辭未婚老人曰君名家子當遲婚好今聞陶真益爲彼州都督若遲以女妻君君何以辭之陶李爲婚深駭物聽僕雖庸劣竊爲足下羞之今去此數里有蕭公是吏部璫之族門第亦高見有數女容色殊

麗李聞而悅之因求老人紹介於蕭氏其人便許之去久之方還言蕭公甚歡敬以待客李與僕御偕行既至蕭氏門館清肅甲第顯煥高槐脩竹蔓延連互絕世之勝境初二黃門持金荷牀延坐少時蕭出著紫蜀衫策鳩杖兩袍袴扶劍雪髯神舉舉動可觀李望敬之再三陳謝蕭云老叟惡車之所久絕人事何期君子迂道見過延李入廳服玩隱映當世罕遇尊勝珍勝海陸交錯多有未名之物食畢蕭宴老人乃云李恭軍向欲論親已蒙許諾蕭敘數十句語深有士風作書與縣官請卜人姓日須臾卜人至云卜吉正在此宵蕭又作書與縣官借頭花釵絹等物俄而皆至其夕亦有縣官來作債相歡樂之事與世不殊至入青廬婦人又妹美李生愈悅暨明蕭公乃言李郎赴任有期不可久住便遣女子隨去寶鈕轎車五乘奴婢人馬三十匹其他服玩不可勝數見者謂是王妃公主之流莫不欣羨李至任積二年奉使入洛留婦在舍婢等並妖媚盡治眩惑丈夫往來者多經過焉異日參軍王顯曳狗將獵李氏羣婢見狗甚駭多騁而入門顯素疑其妖媚爾日心動還率狗入其宅合家拒堂門不敢喘息狗亦掣鬣號吠李氏婦門中大詬曰婢等頃爲大昨今尚違權王顯何事牽大入人家同官爲僚獨不爲李恭軍之地乎顯意是狐乃決意排寬放犬昨殺羣狐唯妻死身是人而其尾不變顯往白貞益貞益往取驗覆見諸死狐嗟歎久之時天寒乃埋一處經十餘日蕭使君遂至入門號哭莫不驚駭數日來詣陶問訴言詞確實容服高貴陶甚敬待因收王顯下獄王固執是狐取前犬令昨

蕭時蕭陶對食大至蕭引大頭藤上以手撫之然後與食大無搏噬之意後數日李生亦還號哭累日歛然發狂啗王過身盡腫蕭謂李曰奴輩皆言死者悉是野狐何其苦痛當日即欲開瘰癧李郎被眩惑不見信今互開視以明姦妄也命開視悉是人形李愈悲泣貞益以顯罪重錮身推勸顯私白云已令持十萬於東都取昨狐犬往來可十餘日貞益又以公錢百千益之其犬既至所由謁蕭對事陶於正廳立待蕭入府顏色沮喪舉動惶擾有異於常俄大自外入蕭作老狐下階走數步爲大昨死貞益使驗死者悉是野狐顯遂見免此難

紀聞唐定州刺史鄭宏之解褐爲尉尉之廨宅久無人居屋宇頽壞草蔓荒涼宏之至官雜草修屋就居之吏人固爭請宏之無入宏之曰正直何懼妖鬼吾性彊禦終不可移居二日夜中宏之獨臥前堂堂下明火有責人從百餘騎來至庭下怒曰何人唐突敢居於此命牽下宏之不答牽者至堂不敢近宏之乃起責人命一長人令取宏之長人昇階循牆而走吹滅諸燈燈皆盡唯宏之前一燈存焉長人前欲滅之宏之仗劍擊長人流血灑地長人乃走責人漸來逼宏之具衣冠請與同坐言談通宵情甚款洽宏之知其無備技劍擊之責人傷左右扶之連言王今見損如何乃引去既而宏之命役從百人尋其血至北垣下有小穴方寸血入其中宏之命掘之入地一丈得狐大小數十頭宏之盡執之穴下又掘丈餘得大窟有老狐裸而無毛據土臥坐諸狐侍之者十餘頭宏之盡拘之老狐言曰無害予予祐汝宏之命積薪堂

下火作投諸狐盡焚之次及老狐狐乃搏頰請曰吾已千歲能與天通殺予不祥捨我何害宏之乃不殺鎖之庭槐初夜中有諸神鬼自稱山林川澤叢祠之神來謁之再拜言曰不知大王罹禍乃爾雖欲脫王而苦無計老狐領之明夜又諸社鬼朝之亦如山神之言後夜有神自稱黃鵠多將翼從至狐所言曰大兄何忽如此因以手攬鍊鍊爲之絕狐亦化爲人相與去宏之走追之不及矣宏之以爲黃鵠之名乃狗號也此中誰有狗名黃鵠者乎既曙乃召吏胥問之吏曰縣倉有狗老矣不知所至以其無尾故號爲黃鵠豈此犬爲妖乎宏之命取之既至鍊繫將就烹大人言曰吾實黃鵠神也君勿害我我當隨君君有善惡皆預告君豈不美歟宏之屏人與語乃釋之犬化爲人與宏之言夜久方去宏之掌寇盜忽有劫賊數十人入界止逆旅黃鵠神來告宏之曰某處有盜將行劫擒之可還官宏之掩之果得遂還秩焉後宏之累任將遷神必預告至如殃咎常令迴避罔有不中宏之大獲其報宏之自寧州刺史改定州神與宏之訣去以是人謂宏之祿盡矣宏之至州兩歲風疾去

官

宣室志唐林景元者京兆人僑居鴈門以騎射敗虜爲己任郡守悅其能因募爲衙門將書與其徒十數輩馳健馬執弓矢兵杖臂隼率犬俱騁於田野間得麋鹿狐兔甚多由是郡守縱其所往不使親吏事嘗一日畋於郡城之高岡忽起一兔榛莽中景元鞭馬逐之僅十里餘兔匿一墓穴景元下馬即命二卒守穴傍解鞍而憩忽聞墓中有語者曰吾命土也施土

者木日次於乙辰居卯二木俱王吾其死乎已而咨嗟者久之又曰有自東而來者我將不免景元聞其語且異之因視穴中見一翁衣素衣髯白而長手執一軸書前有死鳥鵲甚多景元即問之其人驚曰果然禍我者且至矣即訴罵景元默而計之曰此穴甚小而翁居其中豈非鬼乎不然是盜而匿此即毀其穴翁遂化爲老狐帖然俯地景元因射之而斃視其所執之書點畫甚異似梵書而非梵字用素縑爲幅僅數十八景元焚之

廣異記唐洛陽思恭里有唐參軍者立性修整簡於接對有趙門福及康三者投刺謁唐未出見之問其來意門福曰止求點心飯耳唐使門人辭云不在二人徑入至堂所門福曰唐都官何以云不在惜一餐耳唐辭以門者不報引出外廳令家人供食私誠奴令真劍盤中至則刺之奴至唐引劍刺門福不中次擊康三中之猶躍入庭前池中門福罵云彼我雖是狐我已千年千年之狐姓趙姓張五百年狐姓白姓康奈何無道殺我康三必當修報於汝終不令康氏子徒死也唐氏深謝之令召康三門福至池所呼康三輒應曰唯然求之不可得但餘鼻存門福既去唐氏以桃湯沃灑門戶及懸符藥自爾不至謂其施行有驗久之園中櫻桃熟唐氏夫妻暇日檢行忽見門福在櫻桃樹上採櫻桃食之唐氏驚曰趙門福汝復敢來耶門福笑曰君以桃物見欺今聊復採食君亦食之否乃頻擲數四以授唐唐氏愈恐乃廣召僧結壇持呪門福遂逾日不至其僧持誦甚切冀其有效以爲己功後一日晚齋之後僧坐榻前忽見五色雲

自西來逕至唐氏堂前中有一佛容色端嚴謂僧曰汝爲唐氏却野狐耶僧稽首唐氏長幼虔禮甚至喜見其佛拜請降止久之方下坐其壇上奉事甚勤佛謂僧曰汝是修道請通達亦何須久蔬食而爲法能食肉乎但問心能堅持否肉雖食之可復無累乃令唐氏市肉佛自設食次以授僧及家人悉食食畢忽見壇上是趙門福舉家歎恨爲其所誤門福笑曰無勞厭我不來矣自爾不至也

紀聞唐牛肅有從舅常過澠池因至西北三十里謁田氏子去田氏莊十餘里經叢險多樸林傳云中有魅狐往來經之者皆結侶乃敢過舅既至田氏子命老豎往澠池市酒饌天未明豎行日暮不至田氏子怪之及至豎一足又跛問何故豎曰適至樸林爲一魅狐所絆因厥而仆故傷焉問何以見魅豎曰適下坡時狐變爲婦人遠來追我我驚且走狐又疾行遂爲所及因倒且損吾恐魅之爲怪彊起擊之婦人口但哀祈反謂豎爲狐魔云叩頭野狐叩頭野狐吾以其不自知因與痛擊故免其禍田氏子曰汝無擊人妄謂狐耶豎曰吾雖苦擊之終不改婦人狀耳田氏子曰汝必誤損他人且入戶日入見婦人體傷蓬首過門而求飲謂田氏子曰吾遇樸林逢一老狐變爲人吾不知是狐前趨爲伴同過樸林不知老狐却傷我如此賴老狐去餘命得全幸北村人也渴欲求飲田氏子恐其見蒼頭也與之飲而遣之

霍邑古呂州也城池甚固縣令宅東北有城面各百步其高三丈厚七八尺名曰因周厲王城則左傳所稱萬人不忍流王于甕城即霍邑也王崩因葬城之

北城既久遠則有魅狐居之或官吏家或百姓家子女有姿色者夜中狐斷其髮有如刀截所遇無知往往而有唐時邑人斬守貞者素善符呪爲縣送徒至趙城還歸至金狗鼻見汾河西岸水濱有女紅裳浣衣水次守貞目之女子忽爾來空過河送緣嶺蹕虛至守貞所手攀其笠足踏其帶將取其髮焉守貞遂徒手奮持斧因擊女子墜從而斫之女子死則爲雌狐至縣具列其由縣令不之信守貞歸遂每夜有老父及嫗繞其居哭從索其女守貞不懼月餘老父及嫗罵而去曰無狀殺我女吾猶有三女終當困汝於是遂絕而截髮亦亡

廣異記唐洛陽尉嚴諫從叔亡諫往弔之後十餘日叔家悉皆去服諫召家人問答云亡者不許因述其言語處置狀有如平生諫疑是野狐恆欲料理後至叔舍靈便逆怒約束子弟勿更令少府姪來無益人家事只解相疑耳亦謂諫曰五郎公事似忙不宜數來也諫後忽將蒼鷹雙鵲早鵲獵犬等數十事與他手力百餘人悉持器械圍繞其宅數重遂入靈堂忽見一赤肉野狐仰行屋上射擊不能中尋而閉門躍出不復見因而怪絕

唐潤州韋參軍幼有隱德雖兄弟不能知也諸韋常謂其不慧輕之後忽謂諸兄曰財帛當以道不可力求諸兄甚奇其言問汝何長進如此對曰今昆明池中大有珍寶可以取之諸兄乃與偕行至池所以手酌水水悉枯涸見金寶甚多謂兄曰可取之兄等愈入愈深竟不能得乃云此可見而不可得致者有定分也諸兄歎美之問曰素不出何以得妙法笑而不

言久之曰明年當得一官無慮貧乏乃還拜潤州書佐遂東之任途經開封縣開封縣令者其母患狐媚前後術士不能療有道士者善見鬼謂令曰今比見諸隊仗有異人人境若得此人太夫人疾苦必愈令遣候之後數日白云至此縣迎旅宜自謁見令往見韋具申禮請笑曰此道士爲君言耶然以太夫人故屈身於人亦可憫矣幸與君遇其疾必愈明日自縣橋至宅可少止人令百姓見之我當至彼爲發遣且宜還家酒掃焚香相待令皆如言明日至舍見太夫人問以疾苦以柳枝洒水於身上須臾有老白野狐自牀而下徐行至縣橋然後不見令有贈遺韋皆不受至官一年謂其妻曰後月我當死死後君嫁此州判司當生三子皆如其言

唐有楊氏者二女并嫁胡家小胡郎爲主母所惜大胡郎謂其婢曰小胡郎乃野狐爾丈母乃不惜我反惜野狐婢還曰母問何以知之答云宜取鬪頭懸戶上小胡郎若來令妻呼伊祈熟肉再三言之必當走也楊氏如言小胡郎果走故今人相傳云伊祈熟肉辟狐魅甚有驗也

唐河東薛迴與其徒十人於東都娼婦留連數夕各賞錢十千後一夕午夜娼偶求去迴留待娼婦人躁擾求去數四抱錢出門迴敕門者無出客門者不爲啓鎖婦人持錢尋審至水質變成野狐從囊中出去其錢亦留

唐辛替否母死之後其靈座中恆有靈語不異乎素家人敬事如生替否表弟是術士在京聞其事因而來觀潛於替否宅後作法入門見一無毛牝野狐殺

之遂絕

唐代州民有一女其兄遠戍不在母與女獨居忽見菩薩乘雲而至謂母曰汝家甚善吾欲居之可速修理尋當來也村人競往處置適畢菩薩取五色雲來下其室村人供養甚衆仍教衆等不令有言恐四方信心往來不止村人以是相戒不說其事菩薩與女私通有娠經年其兄還菩薩云不欲見男子令母逐之兄不得至因傾財求道士久之有道士爲作法竊視菩薩是一老狐乃持刀入斫殺之

宣室志唐祈縣有村民因墾地征徭粟至太原府及歸途中日暮有一白衣婦人立路旁謂村民曰妾今日自都城而來因且甚願寄載車中可乎村民許之升車行未三四里因脂轄忽見一狐尾在車之隙中垂於車轅下村民即以鎌斷之其婦人化爲無尾白狐嗚嗚而去

太平廣記唐始豐令張例疾患魅時有發動家人不能制也恆舒右臂上作呪云狐娘健子其子密持鐵杵候例疾發即自後撞之墜一老牝狐焚於四通之衢自爾即愈也

廣異記唐馮玠者患狐魅疾其父後得術士療玠疾魅忽啼泣謂玠曰本圖共終今爲術者所迫不復得在流淚經日方贈玠衣一襲云善保愛之聊爲久念耳玠初得權家人見悉卷書中疾愈入京應舉未得開視及第後方還閱之乃是紙焉

唐賀蘭進明爲狐所媚每到時節狐新媚恆至京宅名起居兼持賀遺及問信家人或有見者狀貌甚美至五月五日自進明已下至其僕隸皆有續命家人

以爲不祥多焚其物狐悲泣云此並異物奈何焚之其後所得遂以充用後家人有就求漆背金花鏡者入人家偷鏡挂頂絳牆行爲主人家擊殺自爾怪絕焉

唐崔昌在東京莊讀書有小兒顏色殊異來止庭中久之漸升階坐昌牀頭昌不之顧乃以手卷昌書昌徐問汝何人斯來何所欲小兒云本好讀書慕君學問爾昌不之却常問文義甚有理經數月日暮忽扶一老人乘醉至昌所小兒暫出老人醉吐人之爪髮等昌甚惡之昌素有所持利劍因斬斷頭成一老狐項之小兒至大怒云君何故無狀殺我家長我豈不能殺君但以舊恩故爾大罵出門自爾乃絕

唐坊州中部縣令長孫甲者其家篤信佛道異日齋次舉家見文殊菩薩乘五色雲從日邊下須臾至齋所簷際凝然不動合家禮敬懇至久之乃下其家前後供養數十日唯其子心疑之入京求道士爲設禁遂擊殺狐令家奉馬一匹錢五十千後數十日復有菩薩乘雲來至家人敬禮如故其子復延道士禁呪如前盡十餘日菩薩問道士法術如何答曰已盡菩薩云當決一頓因問道士汝讀道經知有狐剛子否答云知之菩薩云狐剛子者即我是也我得仙來已三萬歲汝爲道士當修清淨何事殺生且我子孫爲汝所殺寧安活汝耶因杖道士一百畢謂令日子孫無狀至相勞擾慚愧何言當令君永無災橫以此相報願謂道士可即還他馬及錢也言訖飛去

唐睢陽郡宋王家旁有老狐每至衙日邑中之何悉往朝之狐坐家上狗列其下東都王老有雙犬能昨

魅前後殺魅甚多宋人相率以財雇犬昨狐王老牽犬往犬乃還詣諸犬之下伏而不動大失宋人之望今世人有不了其事者相戲云取睢陽野狐犬

唐劉全白說云其乳母子衆愛少時好夜中將網斷道取野猪及狐狸等全白莊在其下後一夕愛於莊西數里下網已伏網中以伺其至暗中聞物行聲覩見一物伏地窺網因而起立變成緋裙婦人行而達網至愛前車側忽捉一鼠食愛連呵之婦人乃遽入網乃捧之致斃而人形不改愛反疑懼恐或是人因和網投滙麻池中夜還與父母議及明舉家欲潛逃去又疑云寧有婦人食生鼠此必狐耳復往麻池視之見婦人已活因以大斧自腰後斫之便成老狐愛大喜將還村中有老僧見狐未死勸令養之云狐口中媚珠若能得之當爲天下所愛以繩縛狐四足又以大籠罩其上蓋數日狐能食僧用小瓶口窄者埋地中令口與地齊以兩截猪肉炙於瓶中狐愛炙而不能得但以口屬瓶候炙冷復下兩截狐涎沫久之炙與瓶滿狐乃吐珠而死珠狀如碁子通圓而潔愛每帶之大爲人所貴

曲沃縣尉孫細家奴年六歲忽視細母笑云娘子總角時會養一野狐今憶否母亦省之奴云爾時野狸即奴身也鷹逐走入古家後爲獵人擊殫見聞羅王王以無罪當得人身遂生海州爲乞人于苦飢寒一十而死又見王王曰與汝作貴人家奴遂得至此今已三生矣

鵬聽異志錄李令緒即兵部侍郎李紆堂兄其叔遷授江夏縣丞令緒因往觀叔及至坐入門人報云某

小娘子使家人傳語喚入見一婢甚有姿態云娘子參拜兄嫂且得令緒遠到不妻亦傳語云娘子能來此看見姪否又云妹有何飲食可致之婢去後須臾使人齎大食器至黃衫奴井向來傳語婢同到云娘子來俄頃間來四銀金飾華僕從二十餘人至門承妻出迎見一婦人年可三十餘雙梳雲髻光彩可鑒婢等皆衣羅綺異香滿室令緒避入其婦升堂坐訖謂承妻曰令緒既是子姪何不出來令緒聞之遂出拜謂曰我姪眞士人君子之風坐良久謂令緒曰觀君甚長厚心懷中應有急難於衆人令緒亦知其故談話盡日辭去後數來每至皆有珍饌經半年令緒擬歸東洛其姑遂言此度阿姑得令緒心矣阿姑緣有厄擬隨令緒到東洛可否令緒驚云行李貧迫要致車乘計無所出又云但許阿姑家自假車乘只將女子兩人井向來所使婢金花去阿姑事令緒應知不必言也但空一衣籠令逐馳家人每至關津店家即略開籠阿姑暫過歇了開籠自然出行豈不易乎令緒許諾及發開籠見三四黑影入籠中出入不失前約至東都將到宅令緒云何處可安置金花云娘子要於倉中甚便令緒即洒掃倉密爲安置唯逐馳奴知之餘家人莫有知者每有所要金花即自來取之阿姑時時一見後數月云厄已過矣擬去令緒問云欲往何處阿姑云胡虜除豫州刺史緣二女成長須有匹配今與渠處置令緒明年合格臨欲還家貧無計乃往豫州及入境見勝云我單門孤立亦無親表恐有擅託親故妄索供擬即復時申報必當科斷往來商旅皆傳胡使君清白干謁者絕矣令緒以此

懼進退久之不獲已乃潛入豫州見有人參謁亦無所得令緒便投刺使君即時引入一見極喜如故人云雖未奉見知君有急難久佇光儀來何晚也即授館供給頗厚一州云自使君到未會有如此每日入宅歡燕但論時事亦不言他經月餘令緒告別璿云即與處置路糧充選時之費便集縣令曰璿自到州不曾有親故擾李令緒天下俊秀其生平未展奉昨一見知是丈夫以此重之諸公合見耳今請赴選各須與致糧食無令輕貽官吏素畏其威自縣令以下贈絹無數十疋已下者令緒復絹十疋仍備行裝又留宴別令緒因出戟門見別有一門金花自內出云娘子在山亭院要相見及入阿姑已出喜盈顏色曰豈不能待嫁二女又云令緒買得柑子不與令姑太慳也令緒驚云實買得不敢特送笑云此戲言耳君所買者不堪阿姑自有上者與令緒將去命取之一皆大如拳既別又喚令緒迴云時方艱難所將絹帛恐遇盜賊爲之奈何乃曰借與金花將去但有事急一念金花即當無事令緒行數日果遇盜五十餘人令緒恐懼墜馬忽思金花便見精騎三百餘人自山而來軍容甚盛所持器械光可以鑑殺賊略盡金花命騎士却驍馳仍處分兵馬好去欲至京路店宿其主人女病云是妖魅令緒問主人曰是何疾答云似有妖魅歷諸醫術無能暫愈令緒云治却何如主人珍重辭謝乞相救但得較損報効不輕遂念金花須臾便至具陳其事略見女之病乃云易也遂結一壇焚香爲呪俄頃有一狐甚疥癩縛至壇中金花決之一百流血遍地遂逐之其女便愈及到京金花辭

令緒令緒云遠勞相送無可贈別乃致酒備飲酣謂曰既無形跡亦有一言得無難乎金花曰有事但言令緒云願聞阿姑家事來由也對曰娘子本某太守女其叔父兄弟與令緒不遠嫁爲蘇氏妻遇疾終金花是從嫁後數月亦卒故得在娘子左右天帝配娘子爲天狼將軍夫人故有神遍金花亦承阿郎餘蔭胡使君即阿郎親子姪昨所治店家女其狐是阿郎門側役使此輩甚多金花能制之云銳騎救難者是天兵金花要喚不拘多少令緒謝之云此何時當再會金花云本以姻緣運合只到今日自此姻緣斷絕便當辭令緒惆悵良久傳謝阿姑千萬珍重厚與金花贈遺悉不肯受而去胡璿後歷數州刺史而卒廣異記唐吏部侍郎李元恭其外孫女崔氏容色殊麗年十五六忽得魅疾久之狐遂見形爲少年自稱胡郎累求術士不能去元恭子博學多智常問胡郎亦學否狐乃談論無所不至多質疑於狐頗得樂久之謂崔氏曰人生不可不學乃引一老人授崔經史前後三載頗通諸家大義又引一人教之書涉一載又以工書著稱又云婦人何不習音聲琴瑟琵琶此故凡樂不如學琴復引一人至云善彈琴言姓胡是隋時陽翟博士悉教諸曲備盡其妙及他名曲不可勝紀自云亦善廣陵散比屢見嵇中散不使授人其於烏夜啼尤善傳其妙李後周胡郎何以不迎婦歸家狐甚喜便拜謝云亦久懷之所不敢者以人微故爾是日遍拜家人歡躍備至李問胡郎欲迎女子宅在何所狐云某舍門前有二大竹時李氏家有竹園李因尋行所見二大竹間有一小孔意是狐窟引

水灌之初得福路及他狐數十枚最後有一老狐衣綠衫從孔中出是其素所著衫也家人喜云胡郎出矣殺之其怪遂絕
唐宋州刺史王璿少時儀容甚美爲牝狐所媚家人或有見者丰姿端麗雖僮幼遇之者必敬容致敬自稱新婦抵對皆有理由是人樂見之每至端午及佳節悉有贈儀相送云新婦上某郎某娘續命衆人笑之然所得甚衆後璿職高狐乃不至蓋其祿重不能爲怪
奇事記唐長安符規因喪母又遭火焚其家產遂貧乏委地兒女六人盡孩幼規無計撫養其妻謂規曰今日貧窮如此相聚受飢寒存活終無地也我欲自賣身於人求財以濟君及我兒女如何規曰我偶喪財產今日窮厄失計較爾如此我實不忍妻再言曰若不如此必盡飢凍死規方允之數日有一老父及門規延入言及兒女飢凍妻欲自賣之意老父傷念良久乃謂規曰我累世家實住藍田下通聞人說君家妻意今又見君言我今欲買君妻奉錢十萬規與妻皆許之老父翌日送錢十萬便挈妻去仍謂規曰或兒女思母之時但攜至山下訪我當令相見經三載後兒女皆死又貧乏之規乃乞食於長安忽一日思老父言因往藍田下訪之俄見一野寺門宇華麗狀若貴人宅守門者詰之老父出命規入設食兼出其妻與規相見其妻聞兒女皆死大號泣遂氣絕其老父驚走入且大怒擬謀害規規亦怯懼走出迴顧已失宅所見其妻死於古塚前其塚旁有穴規乃自山下共發塚見一老狐走出乃知其妻爲老狐所買

耳

驪山下有一白狐驚提山下人不能去除唐乾符中忽一日突溫飲自浴須臾之間雲蒸霧湧狂風大起化一白龍昇天而去後或陰暗往往有人見白龍飛騰山畔如此三年忽有一老父每臨夜即哭於山前數日人乃伺而問其故老父曰我孤龍死故哭爾人間之何以名孤龍老父又何哭也老父曰孤龍者自狐而成龍三年而死我孤龍之子也人又問曰狐何能化為龍老父曰此狐也稟西方之正氣而生狐白色不與衆遊不與近處狐託於驪山下千餘年後偶合於雌龍上天知之遂命為龍亦猶人間自凡而成聖耳言訖而滅

雲笈七籤王道珂成都雙流縣南宅居住當僖宗幸蜀之時常以卜筮符術為業行坐常誦天蓬咒每入雙流市貨符卜得錢須喫酒至醉方歸其郭門外有白馬將軍廟晚夕有人祈賽長垂簾簾內往往有光及聞吹口之聲以此妖異人皆說信所下酒食忽忽不見愚民畏懼無輒敢正視者道珂因喫酒回歸入廟朗誦神咒則廟堂之上悄悄然傍人視之無不驚駭道珂異日晨鷄初叫忽隨村人担蒜越市夜行至廟前忽然倒地倉惶之間見野狐數頭眼如火炬衝拽入廟堂階之下問堂上有人呵責曰你何得恃酒入我廟內念咒驚動我眷屬道珂心中默持天蓬神咒遙巡却蘇蓋緣其時與擊蒜同行神兵遠其穢臭而不衛其身遂被妖狐擒伏泊擊蒜人拋去道珂心中想念神咒即妖狐便致害不得既蘇息之後遂歸家沐浴清潔却來廟內大詬而責曰我是太上弟子

不獨只解持天蓬咒常誦道德經云天得一以清地得一以寧神得一以靈爾若是神明只合助道行化何以惡聞神呪我知非白馬明神狐狸精怪傍附神祠幻惑生靈今日我決定於此止泊持呪為民除害遂志心朗念神呪至夜不歇廟堂之上寂然無聲亦無光透簾幕唯聞自撲呻吟之聲至明呼喚鄰近居人視之唯見老野狐五頭皆頭破血流滿地已斃自後寂無妖異竟絕祭祀廟宇荒廢是知凡持此呪勿得貪蒜以至觸穢神明也

稽神錄道士張謹者好符法學雖苦而無成嘗客遊至華陰市見賣瓜者買而食之旁有老父謹覺其飢色取以遺之果食百餘謹知其異奉之愈敬將去謂謹曰吾土地之神也感子之意有以相報因出一編書曰此禁狐魅之術也宜勤行之謹受之父亦不見爾日宿近縣村中聞其家有女子啼呼狀若狂者以問主人對曰家有女近得狂疾每日晨輒觀鏡盛服云召胡郎來非不療理無如之何也謹即為書符施諸戶間是日晚聞簾上哭泣且罵曰何物道士預他人家事宜急去之謹怒呵之良久大言曰吾且為奴矣遂寂然謹復書數符病即都差主人遺絹數十疋以謝之謹常獨行既有重囊須得兼力停數日忽有二奴詣謹自稱曰德兒歸實嘗事崔氏崔出官因見捨棄今無歸矣願侍左右謹納之二奴皆謹恩豎利尤可憑信謹東行凡書囊符法行李衣服皆付歸實負之將及關歸實忽大罵曰以我為奴如役汝父因絕走謹駭怒逐之其行如風倏忽不見既而德兒亦不見所齎之物皆失之矣時秦隴用兵關禁嚴急客

行無驗皆見刑戮既不敢東度復還主人具以告之主人怒曰寧有是事無厭復將挽我耳因止於田夫之家絕不供給遂為耕夫邀與同作晝耕夜息疲苦備至因憩大樹下仰見二兒曰我德兒歸實也汝之為奴苦否又曰此符法我之書也失之已久今喜再獲吾豈無情於汝乎因擲行李還之曰速歸鄉人待爾書符也即大笑而去謹得行李復詣主人皆異之更遺絹數疋乃得去自爾遂絕符書矣

瑯嬛記曹吳性愛種菊至秋無種不備一日早起見大黃菊當心生一紅子漸大三日若櫻桃焉人皆不識有鄰女周少夫者年十六姿甚淑令月下同女伴來看竟摘食之食已忽乘風飛去吳驚報其家父母姊妹向天號哭初不反顧自首及足漸沒於青天之中已而老父至向菊附掌嘆息曰我無緣哉何至之遲也吳方問故忽變一老狐馳去

陳州志張子和在陳負醫名有老狐變人形求診和曰此獸脈也狐跪告曰我狐精因病來就君醫耳投劑輒愈狐酬以金帛曰此盜得之物不受狐自稱無報告以城將陷宜遷江西以避之和如其言得免於難

昌平州志嘉靖間有隸事州庭者州守使隸沽酒一甕置內衙外因他去及還甕無滴酒甚駭其傍見有若白貓者方軒臥酒氣襲人隸曰若殆盜吾酒矣縛置甕中封之攜歸家庭之忽覺作人語曰我狐也學道萬年我非易易幸無我害隸志曰酒為官沽汝今飲我貧何以償狐曰幸出我債以物可乎隸曰可乃出之既出請隸所願隸曰願日得百錢耳狐約而去後